

鍼

灸

大成

康熙
版

治症總要

鍼灸大成

針灸大成卷之九

治症總要

東垣針法

名醫治法

針邪秘要

捷要灸法

取四花穴法

騎竹馬灸法

灸勞穴心氣

灸痔漏疝氣法

灸腸風下血法

灸結胸傷寒法

蒸臍治病法

千金灸法

寶鑑發灸法

艾灸補瀉

貼洗灸瘡法

灸後調攝法

附楊氏醫案

台正總要

治症總要

楊繼洲著

一論中風但未中風時。一兩月前或三四箇月前不時足脛上發痠重麻良久方解。此將中風之候也。便宜急灸三里絕骨四處各三壯。後用生葱薄荷桃柳葉四味煎湯淋洗。灸令祛逐風氣。自瘡口出。如春交夏時夏交秋時俱宜灸。常令二足有灸瘡爲妙。但人不信此法。飲食不節。酒色過度。卒忽中風。可於七處一齊俱灸。各三壯。偏左灸右偏右灸左。百會耳前穴也。

第一陽症中風不語。手足癱瘓者。

合谷 肩髃 手三里 百會 肩井 風市

環跡

足三里

委中

陽陵泉

先針無病手足
後針有病手足

第二陰症中風半身不遂拘急手足拘攣此是陰症也

亦依治之但先補後瀉

第三中暑不省人事。

人中

合谷

內庭

百會

中極

氣海

問曰中暑當六七月間有此症或八九月十月亦有此症一
從何而得荅曰此症非一醫者不省當以六七月有之如
何八九月十月亦有之皆因先感暑氣流入脾胃之中串穴
經絡灌溉相併或因怒氣觸動或因過飲恣慾傷體或外
感風至八九月方發乃難治也六七月受病淺風疾未盛

氣血未竭。體氣未衰。此爲易治。復刺後穴。

中衝 行間 曲池 少澤

第四中風不省人事。

人中 中衝 合谷

問曰。此症如何而來。已上穴法。針之不效。奈何。荅曰。針力不到。補瀉不明。氣血錯亂。或去針速。故不效也。前穴未效。復刺後穴。

啞門 大敦

第五中風口禁不開

頰車 人中 百會 承漿 合谷 俱宜瀉

問曰此症前穴不效何也答曰此皆風痰灌注氣血錯亂陰陽不升降致有此病復刺後穴

廉泉 人中

第六半身不遂中風

絕骨 崑崙 合谷 肩髃 曲池 手三里

足三里

問曰此症針後再發何也答曰針不知分寸補瀉不明不分虛實其症再發再針前穴復刺後穴

肩井 上廉 委中

第七口眼喎斜中風

地倉 頰車 人中 合谷

問曰此症用前穴針效。一月或今月復發何也。答曰必是
不禁房勞。不節飲食。復刺後穴無不效也。

聽會 承漿 翳風

第八中風左癱右瘓

三里 陽谿 合谷 中渚 陽輔 崑崙 行間

問曰數穴針之不效何也。答曰風痰灌經絡。絡血氣相搏
再受風寒。濕氣入內。凝滯不散。故刺不效。復刺後穴。先針
手足後針
有病手足

風市 丘墟 陽陵泉

第九正頭大痛及腦頂痛。

百會 合谷 上星

問曰此症針後一日二口再發甚於前何也。答曰諸陽聚會頭上合用先補後瀉宜補多瀉少其病再發愈重如前法宜瀉之無不效也。復針後空其頭痛旦發夕死夕發旦死醫者當用心救治。如不然則難治。神庭 太陽

第十偏正頭風。

風池 合谷 絲竹空

問曰已上穴法刺如不效何也。答曰亦有痰飲停滯胸膈或風串入腦戶偏正頭風發來連臂兩痛或手足沉冷久

而不治變爲癱瘓亦分陰陽針之或針力不到未效可刺中脘以踈其下疾次針三里瀉去其風復針前穴

中脘 三里 解谿

第十一頭風目眩

解谿 豐隆

問曰此症刺效復發何也答曰此乃房事過多醉飽不避風寒而卧賊風中人經絡冷症再發復針後

風池 上星 三里

第十二頭風頂痛

百會 後頂 合谷

問曰頭頂痛針入不效者再有何穴可治答曰頭頂痛乃陰陽不分風邪串入腦戶刺故不效也先取其痰次取其風自然有效

中脘 三里 風池 人迎

第十三醉頭風

攢竹 印堂 三里

問曰此症前穴針之不效何也答曰此症有痰飲停於胃脘口吐清涎眩暈或三日五日不省人事不進飲食名曰醉頭風先去其氣化痰調胃進食然後去其風痛也

中脘 中脘 三里 風門

第十四目生翳膜。

睛明 合谷 四白

問曰。已上穴法。刺之不效。何也。答曰。此症受病既深。未可一時便愈。須是二三次針之。方可有效。復刺後穴。

太陽 光明 太骨空 小骨空

第十五迎風冷淚。

攢竹 大骨空 小骨空

問曰。此症緣何而得。答曰。醉酒當風。或暴赤或痛。不忌房事。恣意好食。燒煎肉物。婦人多因產後。不識迴避。當風坐視。賊風串入眼目中。或經事交感。穢氣衝上頭目。亦成此

症復刺後穴

小骨空

治男婦醉後當風

三陰交

治婦人交感症

淚孔上

米大艾灸七壯效

中指半指尖

米大艾灸三壯

第十六日生內障

童子膠

合谷

臨泣

問曰。此症從何而得。此數穴針之不效。何也。荅曰。怒氣傷肝。血不就舍。腎水枯竭。氣血耗散。臨患之時。不能節約。恣意房事。用心過多。故得此症。亦難治療。復針後穴。

光明

天府

風池

第十七目患外障

小骨空

太陽

精明

合谷

問曰此症緣何而得答曰頭風灌注瞳人血氣湧溢上盛下虛故有此病刺前不效復刺後穴二三次方愈

臨泣

攢竹

三里

內背尖

灸五壯卽
眼頭尖上

第十八風沿眼紅澁爛

精明

四白

合谷

臨泣

二間

問曰針之不效何也答曰醉飽行房血氣凝滯痒而不散用手揩摸賊風乘時串入故得此症刺前不效復刺後穴

三里

光明

第十九眼赤暴痛

合谷 三里 太陽 睛明

問曰此症從何而得答曰時氣所作血氣壅滯當風睡卧
飢飽勞役故得此症復刺後穴

太陽 攢竹 絲竹空

第二十眼紅腫痛

睛明 合谷 四白 臨泣

問曰此症從何而得答曰皆因腎水受虧心火上炎肝不
能制心肝二血不能歸元血氣上壅灌注瞳人赤脉貫睛
故不散復刺後穴

太陽 睛明 行間 勞宮

第二十一 努肉侵睛

風池 睛明 合谷 太陽

問曰此症從何而得答曰或因傷寒未解却有房室之事上盛下虛氣血上壅或頭風不早治血貫瞳人或暴下赤痛或因氣傷肝心火炎上故不散也及婦人產後怒氣所傷產後未滿房事觸動心肝二經飲食不節飢飽醉勞皆有此症非一時便可治療漸而爲之無不效也復針後穴

風池 期門 行間 太陽

第二十二 怕日羞明

小骨空 合谷 攢竹 二間